

## SEGUNDA CARTA DEL APÓSTOL SAN PEDRO

### *Pedro escribe a los creyentes*

<sup>1</sup> Nugö, dür Simón Pedro, ár jandaderogui car Jesucristo. Guegue-cä bi ddajqui cam cargo pa gu xij yä cjähni när tzi ddayo jñä. Por digue när carta-nä, dí nzohquijä, nuquejä, xcú cjajä í bajtziquijä ca Ocja, como guegue bi nzojti qui quir tzi mäyä, cja gú hñemejä car Jesucristo. Parejo xtú töhtibijä cár tzi ttijqui car Cristo, nugöje ndí yojme car Jesús bbä mí bbäjcua jar jöy, cja nuquejä, gú hñemejä, pe jí xquí ccahtijä. um Cja-a-göjä car Jesucristo. Guegue-cä bi dù pa bi ddajquijä car nzajqui ca jin da tjegue, dí göhtjojä.

<sup>2</sup> Cam Tzi Tajä jitzi da möxquigüeja pa gui ndo padijä ja i ncja guegue cja co cam Tzi Jmuäjä Jesús. Da ddahquijä rá ngü bendición pa gui hmäpjä rá zö cja gui yojmä co ni cár tzi ttijqui.

### *Cualidades del cristiano*

<sup>3</sup> Rá ndo nzeh cam Tzi Jmuäjä Jesucristo, cja xí ddajquijä hnar ddadyo hmäy cja co göhtjo ca dí nestajä pa gu hmäpjä hua jar jöy ncja ngü ga ne cam Tzi Tajä jitzi. Nugöje dù meyaje car Jesús bbä mí bbäjcua jar jöy. Dù ccahtije, guegue mí yojmi cár poder ca Ocja. Nxøgue már zö ca mí mä cja co ca mí øte. Eso, bbä mí nzojquije dù tenije cja dù emeje.

<sup>4</sup> Como rá ndo nzedi guegue, guejtjo bi xijquije cä dda promesa rá nzedi cä i föxquije rá ngü.

Hnēhquiguεjʉ, bbʉ xcú hñemejʉ cʉ promesa-cʉ, ca Ocja xí ddahquijʉ hnar ddadyo hmʉy ca rí hñe guegue. Ya jin da dāhquijʉ cʉ nttzomfeni cʉ i mandadobi yʉ cjahni yʉ jí í bajtzi ca Ocja. Nu cʉ cjahni-cʉ, da bbədijʉ, como i tənijʉ nər mundo, cja da mpuni göhtjo yʉ i cja hua.

<sup>5</sup> Nuquejʉ, como ya xcú hñemejʉ cʉ promesa cʉ xí xijquijʉ ca Ocja, gui zədijʉ ca grí hñemejʉ. Guejto gui nxödijʉ pa gui hməpjʉ rá zō. Cja pé gui nxödijʉ pa más gui pədijʉ ja i ncja ca Ocja.

<sup>6</sup> Guejto gui nxödijʉ gui penti quir mfənijʉ, pa jin da dāhquijʉ cʉ mfəni rá nttzo. Jin da gaxi ir məyjʉ bbʉ guí tzəjtijʉ prueba por rá nguehcə grí tənijʉ car Cristo. Cja jønca, pé gui nxödijʉ ja ncja gri hməpjʉ pa da tzəh ca Ocja, göhtjo ca gui dyøtijʉ.

<sup>7</sup> Cja diguebbʉ ya, pé gui nxödijʉ gui mah quir minga-hermanojʉ. Cja xtrí gax ya, gui nxödijʉ gui nejʉ göhtjo yʉ cjahni, ncja ngu gri netsjεjʉ.

<sup>8</sup> Como bbʉ gui nxödijʉ gui hməpjʉ ncjanʉ, cja jin gui jiejmʉ ca grí dyøtijʉ yʉ xtú məngua, nubbʉ, da tzi sirvebi ca Ocja cʉ cjeya cʉ xcrú hməpjʉ hua jar jøy, cja xqui pəhtzijʉ algo pa gui döjtijʉ bbʉ xtí ntjejʉ guegue. Nubbʉ, jin dur hməditjo ca xcú hñemejʉ cam Tzi Jmujʉ Jesucristo.

<sup>9</sup> Porque cʉ cjahni cʉ ya xí hñeme nər evangelio cja i bbəjtjo ncja ngu nguá hmʉ máhmeto, bbʉ jim be mí eme, i ncjajʉ ncja ngu hnar godö ca i ccahti jøntsje hna tzi təjquitjo. Cʉ cjahni-cʉ, xí dəbenijʉ te rá nguehcə ca Ocja bi gəhtzibijʉ ca rá nttzo ca mí tujʉ. Ya jin gui mbənijʉ, xí salvaguijʉ pa gu jejmʉ ca rá nttzo, cja pa hnahnō grá hməpjʉ ya.

<sup>10</sup> Eso, dí xiħquijʉ, ʉm cjuədaquijʉ, jin gui segue

gui hmapj u ncja ngu nguí hmapj u mahmeto. Gui mpeguij u pa gui hmapj u ncja ngu xtú xihquiju. Nubbu da fadi, cierto, xí nzohquiju ca Ocja. Guejtiquigueju, xqui pehtzij u confianza, cierto, xí cjahqui í bajtziquipu. Nubbu, jin gui cojmu xutja, cja jin gui wembiju jár hñu ca Ocja.

<sup>11</sup> Bbu gui hmapj u ncjapu, nubbu, jin da nesta gui yomfenij u, ¿cja gui tzenij u nu jitzi, huá jinq? Nubbu, xqui padiju, da xogui rá zö cu goxtji pa gui catij u pu jabu bí bbuh cam Tzi Jmuj u Jesucristo. Guegue i mandado pu göhtjo ur tiempo, cja xí ddajquiju nar ddadyo hmay nu dí pehtzij u ya.

<sup>12</sup> Nugö, jin gu tzoya ca dár mbembiquiju yu xtú xihquiju, masque ya xqui padiju rá zö ja i ncja nar evangelio, cja ya xcú zediju ca grí hñemeju.

<sup>13</sup> Dí jinq, menta dí bbajti hua jar jöy, rí ntzöhui cjaatjo gu mbembiquiju ja ncja grí hmapj u.

<sup>14</sup> Como ya xtí padí, jin tza ngu i bbedi pa gu tzoquiquiju, gu jej nar mundo, cja da zixqui ca Ocja. Cam Tzi Jmuj u Jesucristo ya xí xijqui, ya xqui guejtipu gu tuu.

<sup>15</sup> Guejto dí mpegui dár jojqui cu dda libro gu tzoquiju, pa bbu ya xcrú tugö, da jogui gui ccahtiju-cu car hora ca guí nestaju, cja gui mbenij u ja ncja yu palabra yu xtú xihquiju.

### *Los que vieron la grandeza de Cristo*

<sup>16</sup> I ntjumay car mensaje ca xtú xihquiju digue cam Tzi Jmuj u Jesucristo. Ya xtú xihquiju, pé du co guegue, da jñu cár cargo cja da mandado hua jar jöy. Nucá, jin gur bbedetjo gá ntjöti ca xtrú mbentsje yu cjahni. Nugöje, du ccahtitsjeje te tza

már nzeh car Jesucristo, cja dú ccahtitsje hneje bbu mí yoti cár tzi tjay.

**17-18** Guejtsje car Tzi Ta jitzi bi hñihtzibi car Jesús, cja bi ujtiguije, mero mûr Ttu guegue. Ca hnar pa, bbu ndár bbupje car Jesús pü jar ttøø, dú ccahtije ja ngá juex quí dajtu co ni cár jmi, ncja ngü nür jiadi. Dú ccahtije, hnahñó mir nigui. Guejtjo dú øjme ca Ocja, cár Tzi Ta, mbí ña pü mbo jar jitzi, bi nzojquije, bi ma: “Gue nám Tzi Ttu, i ddaatsje-nu. Dí ndo tzøø.” Eso, dí pàdije, ntjumay nãr palabra na dí xihquije.

**19** Guejtjo dí pehtzijü cü Escritura cü bi dyøti cü profeta cja bi zoguiguiju. Cü palabra cü i mäm pü já Escritura i jñejmi car palabra ca bi tsjjiquije bbu ndár bbupje jar ttøø. Göhtjo yojo i sirve ncja testigo, i xijquijü ja i ncja ca hnaa ca dí emejü. Nuquiguejü, i nesta gui jñuhpijü ndumay ca i män cü Escritura-cü, como nucá, i xijquijü palabra cü i nesta gu pàdijü menta dí bbujtijü hua jar mundo hua jabu i ndo cja ca rá nttzo. I jñejmu hnar lámpara ca i yojquijü hua jabu rá hmexuy. Gui segue gui nxödiju te i män cü Escritura-cü hasta bbu xta ncumpli ca i ma. Nubbü, cja xqui pàdiju, bbu, ya xqui guejtipu du eh car Jesucristo.

**20** Pe i nesta bbeto gui ntiendeju jabu rí hñej yü Escritura. Ca Ocja bi xih cü profeta ter beh cä di jñutzi. Eso, car cjähni ca i ccahti yü Escritura pa da xij yü pé ddaa te i ma, jin da mantsje quí mfeni. Da dyöjpi ca Ocja da mötzi pa da badi te i ne da män cü palabra cü bi ttun cü profeta.

**21** Como guejtsje cü profeta jí mí mbentsje tema mfeni di jñutzi pa di ncja yü Escritura. Guegue-cü

mí tzujh ca Ocja, cja mí øjtijh ca mí xijmh. Eso, bi jñuxjh ca bi xijmh cár Tzi Espíritu ca Ocja.

### *Los que enseñan mentiras*

## 2

<sup>1</sup> Mahmeto mí bbuh ch dda metjri profeta, mí ne di jiöti quí cjahni ca Ocja. Ncja ngu yu pa ya, pé i bbuh ch dda metjri profeta hneje ch i ne da jiöhquijh. Da ujti yu cjahni ch dda palabra ch jin gui cierto. Da dyotijh ddahtzu, da huanihui palabra ch rá zö, pa jin da fädi te rí dyotijh. Nu ch cjahni ch da hñeme-ch, da bbedi. Ch cjahni-ch da xihquijh hnahnó palabra digue cam Tzi Jmujh Jesú, masque guegue-ch bi du pa bi gazquigójh ca rá nttzo. Pe como drá nttzo quí vidajh, da fädi jí í bajtzi ca Ocja. Nu ca Ocja da hna mempi cár castigojh, da hna dujh, como bbetjritjo ch palabra ch da ujtiquipijh.

<sup>2</sup> Nu ch jiöjté maestro-ch, da dyotí hmetzö cja da jiöti rá ngu cjahni pa da hmapjh ncjadiph. Cja como drá nttzo cár vida ca da hmapjh, da ttzan nar evangelio por rá ngue ch jiöjté-ch. Como da hñina ch pé dda cjahni ch jin gui eme, hnaguudi ca i ten ch jiöjté-ch, hnaguudi ca dí tenujh.

<sup>3</sup> Ch cjahni-ch da ndo ne da jñu ar domi, cja da jojtiquitjojh, santa gui dyöpjijh da segue da ujtiquipijh cja pa gui segue gui unijh domi. Nuch, jin da huetijh car castigo ca ba eju. Como ya má yabbu bi man ca Ocja te di ncjaipi ch jiöjté profeta, cja ya jin tza i ngu tiempo i bbedi pa da zuh cár castigojh cja da mpun ch cjahni-ch.

**4** Cu cjeya cu xí tjogui, ca Ocja bi castiga cu ángele cu jin gá ne gá dyøjtibi cár jña. Jin gá jiøjqui-cu, bú fongui pu jar jitzi, bi moti pu jar infierno pu jabu rá ndo hmexuy. Cja nuya, i hnati pu hasta bbu xtu eh car pa bbu xta ttun cár castigoju.

**5** Ca Ocja guejjo jin gá jiøjqui cu cjahni cu mí bbujcua jar jöy bbu jí bbe mí cja car munti. Jøntsjetjo car Noé co ni cu pé dda yojto cu mí bbuh pur ngu, ca Ocja bi jiøjqui-cu pa jin di bbediju. Car Noé mí xih cu cjahni di jiejmu ca rá nttzo ca mí dyøtiju cja di hñemeju ca Ocja. Pe jin gá ne gá dyødeju. Eso, ca Ocja ndejmu bú pejni car munti, bi ñuxi deje göhtjo nur jöy, cja bi du göhtjo cu cjahni-cu.

**6** Ca Ocja guejjo bi castiga cu míngu Sodoma hneh cu míngu Gomorra. Bú pejni tzibi desde pu jitzi, bi dutí cu jñini-cu cja bi mpun cu cjahni cu mí bbuh pu. Tje bi nzø, bi goji jøntsje quí bbojtzibi, pa di ccahtiju cu pé dda cjahni cu mí bbupju cerca, como guejti-cu jí mí tzuju ca Ocja. Xajmu di ntzohmiju tema castigo di zu guegueju hneje bbu di segue di dyøtiju ca rá nttzo.

**7** Nu ca hnar hñøjø ca mí tsjifi ur Lot, ca Ocja bi gujqui pu jar jñini Sodoma, como guegue mí tzu ca Ocja, cja mí ndo ntzøte bbu mí ccahti ja ncja nguá hmuh cu míngu pu. Nttzeditjojo már nttzo ca mí øtiju, mí ndo ndujpiteju, como jin te mí tzuju ca Ocja.

**8** Hnajpa ngu hnajpa, car Lot bi ccahti cu hmetzö cu mí øti cu míngu pu, cja bi dyøh cu hmetzö palabra cu mí majmu. Bi ntzøte cja bi ungui ur dumuy, como guegue mí tzu ca Ocja. Nu ca Ocja bi gujqui pu jar jñini Sodoma bbu ya xti dduti-ca.

**9** Cu cjeya cu xí tjogui, ca Ocja mí castiga cu cjahni cu mí ntøxtihui. Nu cu to mí eme guegue, mí föx-cu. I ncjadipu yu pa ya hneje. Car Tzi Ta jitzi i pah bbu i tzöhui prueba cu cjahni cu i joniju, cja ya xí mbení ja ncja drí guhtzibi. Guejtjo i padí to cu cjahni cu i ndujpite. Nucá, i jegui da hmay hasta bbu xta zoh car pa bbu xta tjampi ur huenda, cja nubbá, xta ttun cár castigoju, bbá.

**10** Nu cu jiøjte maestro cu i ne da ujtiquiju hnahnó palabra cu jin gui cierto, jin da huetiju, como bí tøhmi ca Ocja car pa bbu xta un cár castigoju. Nucá, i øtiju cu cosa rá nttzo cu i netsjeju, i mbeníju nttzomfeni, cja jin gui ihtzibiju cam Tzi Jmuju Jesú. I ndo hñixtsje ga ñaju, hasta i tzaniju cu bí bbah pu jitzi. Jin gui tzuju ca Ocja, ni digue quí ángele.

**11** Nu cu ángele cu más i bbah cár ttzedi cja co cár cargoju, bbu ga nguatiu ca Ocja pa da göxiju ter beh cu xí dyøti quí minga-ángeleju, i penti quí mfeníju cja i ntzohmiju tema palabra da jogui da xijmu. Masque da xijmu ca Ocja te xtrú dyøti quí hñohuiju, pe jin da hna zaniju.

**12** Nu cu jiøjte maestro cu dí xihquiiju du eje, jin gui tzujte, i ndo tzajteju. Cu dda mfeni cu jin gui ntiedeju, i mandiju, jin te ntjumay-cá. I jñejmi zuwé cu cjahni-cu, como jin gui mbén ca Ocja. I øtiju góhtjo ca i mbentsje mbo ur mayju. Ca Ocja xí un yu zuwé cár nzajqui-yu, cja pé xí ddajquiiju ur tsjejqui pa gu tzajmu yu zuwé cja gu pöhtiju. Da ncjadipu cu cjahni cu dí xihquiiju. Xta hna zuh cár castigo ca mír ntzöhui di ttuni.

**13** Como guegueju xí dyøhtibiju ca rá nttzo cu pé

dda cjahni, guehcá da ncohtzibijá-cá. Cú cjahni-cú, i ndo tzøjø da dejpa da ntí cja da dyøti car ttzodyo. Nuquejá, guí mpejnijá-cú, parejo guí tzijá, como i tsjifi hermano hneje. Nu gueguejá i ndo gustabi da dyøti cú cosa rá nttzo cú i mbentsje mbo ár møyá. I otijá hmetzö. Jin gui ne da hmäpjá ncja ngú xcá xijquijá ca Ocja, como jin gui bbäpjá conforme pa cada hnar hñøjø, da hmäbi ca hnaatjo ár bbejñá ca xí ntajtihui.

<sup>14</sup> Cú cjahni-cú, göhtjo tema bbejñá ca i ccáhtijá, i ne da jiötijá. Dé i mbeníjá to pé da hmäbi, cja jin gui ne da jíejmá nár hmetzö-ná. Gue cú cjahni cú jin tza i ntiendebi cár palabra ca Ocja i jötijá pa da hñeme hnahñó palabra cú jin gui cierto. Guejtjo i ndo moxi domi cja co cú pé dda cosa cú i cja hua jar mundo. Ya xí man ca Ocja, da bbéh cú cjahni-cá.

<sup>15</sup> Mähmeto cú metjri maestro mí padijá nár palabra ná ncjuáni, pe bi jíejmá cja bi denijá cú dda palabra cú jin gui tzö. Nuya, ya xí ndo wembijá car palabra ca ncjuáni. Ya xí dyøtijá ncja ngú gá dyøti car Balaam, como xí ntøxtihui ca Ocja. Car Balaam mí padi to ca Ocja, cja co ter bëh cä mí ne-ca, pe jí mí ne di dyøjti ca mí xih ca Ocja. Ndejmá mí ne di möx quí contra cú israelita cú mbá jajá guerra, como nucá bi ñahtibijá domi car Balaam bbá di mötzi pa di hnäpi cú israelita. Cja car Balaam bi möx quí contra cú israelita, masque ya xquí man ca Ocja jin di dyøti-ca.

<sup>16</sup> Nu ca Ocja bi huenti car Balaam cja bi ccahtzi. Car burro ca mí tøh car Balaam pü jabü mír ma, bi nzofo. Car züwe bi ñá ncja ur cjahni, como ca Ocja bi cjajpi bi ñá. Bi ccax car Balaam pa jin di ma du ntøxtihui quí cjahni ca Ocja.

**17** Nu ca jiøjte maestro ca xtú xihquija, jin te da möxquija. Metjritjo-ca. I ncraja ncja ngu nar bbøngy, como i cjuyti car jiahtzi. Bbu rá ndo nzeh car ndaji, ba tu car bbøngy, cja jin tza i nigui car jiahtzi, bbu. Guejti ca cjahni ca da dyøjti ca maestro-ca, da hmu jar bbexuy. Ca cjahni-ca, ya xí tjojquibi hnar lugar pu jabu da ncastiga. Da déju pu, da hmapju pu jabu rá ndo hmexuy, nim pa ncjahma da ccahtija car jiahtzi.

**18** Bbu ga ña ca cjahni-ca, i majmu quí mfenitsjeja rá ndo nte pa gui mbeníja te tza rá ngu i padija. Pe jin gui ncjuani ca i majmu, hnahnó car palabra ca ba jaja. I xijmu ca hermano, i tjeguitjoja gu øtija ca hmetzö ca i øti ca cjahni ca jin gui emeju. Cja i jötija ca cjahni ca cja xca fudi xca jiejmu ca costumbre rá nttzo ca mí tenija mähmeto. Ncjapu ga cohtzija drí ma xatja, pa pé da ntzixihui ca cjahni ca jin gui eme nár palabra ca Ocja, cja pa pé da dyøtija cosa rá nttzo hnejee.

**19** Ca jiøjte-ca, i xih ca cjahni ca i ne da jioti, nuya jin da nesta da mbeníja tema mandamiento. Da jogui da dyøte góhtjo tema cosa ca di mbentsjeja. I ñaja ncjahmu ya xqui bbapju libre guegueja. Pe jin gui cierto ca di bbapju libre-ca. Nu ca nttzomfeni cja co ca cosa rá nttzo ca i neja, guehcu i mandadobi ca cjahni-ca. Bbu i bbu tema cosa o tema mfeni ca i eguija pa gu øtija ca rá nttzo, nubbu, jin dí bbapju libre.

**20** I bbuh ca dda cjahni ca ya xí mbadija nar evangelio, cja pé xí jiejmu. Mähmeto mí majmu, mí emeju cam Tzi Jmuju Jesucristo. Nucu bi du por rá nguejcöju. Pe nuya, ya xí wenija, xí ma xcá ngojmu jar mundo. Ya pé xqui øtija ca cosa rá nttzo ca bi

jiεjmu bbu ngá hñemeju. Nuya, más rá ndo nttzo cár hmuy ni ndra ngue bbu jí bbe mí meyaju nar evangelio.

**21** Masque ya xí mbaqdiju nar hñu rá zö, pé xí wembiju, xcá ngojmu xatja. Mír ntzöhui jin di den nar evangelio, cja jí xcá jogui ca xcá ndeniju cja pé xí jiεjmu. Como bi baqdiju, xcuí hñeh ca Ocja car palabra ca bi tsijjmu, pe ndejmu xí dyejmu.

**22** Cu cjahni-cu, cierto xí dyotiju ncja ngu ga ma nar jña-nq: “Car dyo, xí nzi, xí ungui tr dyojo, cja jonca xí yojpi xí nzitjo. Guejti car zacjua, xí tsajti, cja jonca pe xí ma xpá nxajtsje car bojoy.”

### *La venida del Señor*

## 3

**1** Nuya, um tzi cjuaqdaquiju, guejnu rá yo carta ná dí penquiju. Por medio nar carta-ná cja co hneje ca hnaa ca bbeto dú penquiju, dí mbembiquiju car palabra ca bi zoguije cam Tzi Jmuu Jesús. Guegue bi gazquiju ca rá nttzo ca xtú otiju.

**2** Nuqueju, ya xqui paqdiju car palabra-cá, como bi jñux cu profeta jáy libro ter beh cá di ncja. Cja pé bi xihquiju ncjadipu quí jmандадero car Jesucristo cu bú janquiju nar tzi ddadyo jña. Nugö dí paqdi, xcú hñemeju ca ncjuani, cja guí ne gui teniju-cá, pe xtú yojpi xtú escribi ja i ncja.

**3** Beto, dí ne gu mbembiquiju te da ncja bbu xta guaj nar mundo. Bu ya xta ncja-cá, du eh cu dda hñojø cu da dembitjo cu hermano, da majmu jin gui cierto nar palabra ná dí teniju. Nucu, jin da hñemeju, ¿cja pé du eh car Jesucristo? Guejto

da dyøtiju göhtjo ca da netsjεjü, cja drá nttzo qui vidaju.

<sup>4</sup> Da mān cü cjahni-cü: “Xi ya, ¿dyocä jí bbe ba eñ car Cristo ncja ngü gá mā? Desde ya má yabbü bbü mí dü car Abraham, cja co car Isaac, cja co car Jacob, i ncjadinü när mundo. Göhtjo yü i ncja, i bbüjtjo ncja ngü nguá hmüh bbü mí ttöti när mundo.” Da ncjapü drí mān-cü.

<sup>5</sup> Nu cü cjahni-cü, jin gui ne da ntzohmijü ja mí ncja när mundo ya má yabbü. Tza úr mudi, bbü jí bbe mí ttöti när mundo, nxøgue mür dejé. Nubbü, ca Ocja bi māndi cár palabra, bi juejqui cü dejé, cja bi ncjapü gá dyøti car jitzi cja co car jöy cü mí bbü máhmeto. Cü pa-cü, mí cjadi dejé pa jar jitzi cja co pa mbo car jöy.

<sup>6</sup> Ma ya, bbü ya xquí tjoh cü cjeya rá ngü, ca Ocja bi mbení mí nesta di cjuajti car mundo. Nubbü, bi mandadobi cü dejé pa pé bi ñüx när jöy. Causa bi ncja car mānti, cja bi dü pa jar dejé göhtjo cü cjahni cja co göhtjo cü te mí bbüjcua jar jöy.

<sup>7</sup> Diguebbü ya, bbü ya xquí tjoh car mānti, ca Ocja bi jojqui ddadyo när jitzi co när jöy. Cja nuya xí mā guegue, bbü pé xta mpun när mundo, xta ncja hnar ndo tzibi, göhtjo da nzø. Da hmüti när mundo hasta bbü xta mandado ca Ocja pa da ncja car juicio. Nubbü, da nzø när mundo cja da ncastiga cü cjahni cü jin gui tzü ca Ocja, da bbüdijü.

<sup>8</sup> Ciento, ncjahmu ba dé cam Tzi Jmuju pa du eje. Pe i esta gui ntzohmijü, um tzi cjuadäquijü, dí cjahnitjogöju, jin dí mbeníjü ncja ngü ga mbén ca Ocja. Pa guegue i jñejtihui hnajpa, hnar mil año. Jin gui tzöjpi chi tchü hnar pa, cja jin gui tzöjpi rá

ma hnar mil año.

<sup>9</sup> Guejtjo jin gui j<sup>e</sup>jti cár promesa cja jin gui tzöjpi rá ntji pa da cumpli ca xí ma. I bbuh cu dda cjahni i majmu, ca Ocja jin da cumpli ca xí ma. Nu guegue i juiguiguiju cja i t<sup>o</sup>bíguiju como i ne da ungui lugar göhtjo yu cjahni pa da dyødeju cár palabra, cja pa da jogui da repentiju, s<sup>a</sup>nta da hñemeju, göhtjo cu to da ne. Como jin gui ne ca Ocja pa da bbej yu cjahni.

<sup>10</sup> Bbu pé xtu eh cam Tzi Jmuju Jesú<sup>s</sup>, du hna e<sup>t</sup>jo ncja hnar be bbu nxuy. Nubbu, da ndo f<sup>u</sup>n n<sup>a</sup>r jitzi, da ndε, da nzø, cja da nzø yu tzø, hneje. Da ndo ñuntzi xtrí y<sup>o</sup>te, cjuá da zu yu cjahni.

<sup>11</sup> Nuquigueju, como ya xquí p<sup>a</sup>diju, da tjegue cja da mpuni göhtjo n<sup>a</sup>r mundo, rí ntzöhui gui ntzuniju pa gui dyotiju ca da tzoh ca Ocja, cja gui jioniju guegue, göhtjo mbo ir m<sup>u</sup>yju.

<sup>12</sup> Rí ntzöhui gui jojqui quir vidaju cja gui hm<sup>u</sup>pju listo, gui t<sup>o</sup>hmiju car pa bbu xtu eh car Cristo pa da jñanquiju <sup>u</sup>r huenda cja da juzgaguiju. Bbu xta ncja-ca, da nzø n<sup>a</sup>r jitzi cja da juagui göhtjo yu te bí bbuj-nu. Tje da y<sup>o</sup>te.

<sup>13</sup> Nugoju dí p<sup>a</sup>diju, cierto da ncja ca xí xijquiju ca Ocja, cja guehca dí t<sup>o</sup>hmiju-ca. Guegue da dy<sup>o</sup>te ddadyo n<sup>a</sup>r jitzi co n<sup>a</sup>r jöy, pa da hmuh pu cu cjahni cu xtrú hñeme. Guegue-cu da hm<sup>u</sup>pju hnar vida drá zö. Como jin da tjegui da hmuh pu cu to di øti ca rá ntzo.

<sup>14</sup> Eso, dí nzohquiju, um tzi cjuad<sup>a</sup>quiju. Menta dár t<sup>o</sup>hmiju du eh cam Tzi Jmuju, gui uni ir m<sup>u</sup>yju pa gui jiejmu göhtjo ca rá ntzo. Cja bbu xquí ntjeju ca Ocja, cja da tjanquiju <sup>u</sup>r huenda, nubbu, jin gui ntzotiju, cja jin te da ddöjtiquiju.

**15** Bbu dí inaju, ba de car Jesucristo pa du eje, i  
nesta gu mbeniju, guegue i ndo pehtzibi ur ttijqui  
yu cjahni yu jin gui eme. I tohmi-yu, xajma da  
guatiju cja da hñemeju, pa guejti-cu da dötiju car  
nzajqui ca jin da tjegue. Bi xihquiju ncjapu cam tzi  
cjuadaju car Pablo bbu ngá escribi cu dda carta cu  
xpá menquiju. Guegue mí pehtzi mfeni rá jitzi, mí  
padija i ncja ca Ocja, como nucá bi uni jogui mfeni.

**16** Guejti cu pé dda carta cu bi dyøti car Pablo, i  
xijquiju te rá nguehcu jim be ba eh car Jesucristo.  
Nu car Pablo, ndejma bi jñutzi tengu palabra cu  
rá ntji. Jin tza dí ntiendeju te i ne da man cu  
palabra-cu. Nu cu cjahni cu jin tza i pehtzi mfeni  
rá ngu o jin gui eme car Jesucristo göhtjo mbo ár  
mayiju, guegue-cu, bbu ga ccahtiju cu palabra-cu,  
i nquivocaju. Hnahño ga mben-cu, hnahno ngá  
man car Pablo bbu ngá jñux cu palabra-cu. Nu  
cu cjahni-cu, como jin gui cierto ca i emeju, da  
bbediju.

**17** Nuquigueju, um tzi cjuadajquiju, como ya xquí  
padiju te da ncja, gui zediju, cja gui segue gui  
hñemeju nur palabra nu ncjuani, como ya xquí  
ntiendeju rá zó ja i ncja. Ndejma da guahquiju  
cu dda jiøjte cu da jioni ja drí ujtiquipu hnahno  
palabra cu jin gui cierto. Gui mfödiju, pa jin da  
jiöhquiju-cu, cja pa jin gui jiejmu ca ya xcú hñemeju.

**18** Nuquigueju, gui segue gui nxödiju pa más grí  
padiju ja i ncja cam Tzi Jmuju Jesucristo, cja pa  
más grí yojmu cár tzi ttijqui. Guegue bi du pa bi  
ddajquiju car nzajqui ca jin da tjegue. Rí ntzöhui  
gu xöjtibiju cja gu ihtzibiju, nuya, cja co göhtjo cu  
cjeya cu ba eje, hasta bbu xta zoh car pa bbu xtu  
coji. Amén.

I ttz $\varepsilon$ di hua n $\bar{a}$ r carta-n $\bar{a}$ .

**El Nuevo Testamento en otomí de San Felipe  
Santiago, Edo. de México  
New Testament in Otomi, Estado de México  
(MX:ots:Otomí, Estado de México)**

copyright © 1975 Wycliffe Bible Translators, Inc.

Language: Otomí, Estado de México

Translation by: Wycliffe Bible Translators, Inc.

Otomí, Estado de México [ots], Mexico

**Copyright Information**

© 1975, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Otomí, Estado de México

**© 1975, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

6040233a-58b9-569e-8ff0-572968a2ee94